

Samstarfssamningur Rangárbings eystra og BS Odda, og Samtakanna '78

Samstarfssamningur milli Rangárbings eystra og BS Odda (hér eftir nefnd „sveitarfélögin“) og Samtakanna '78 (kt. 450179-0439) um þjónustu Samtakanna '78 við sveitarfélögin, almanaksárin 2024-2026 með þeim skilmálum sem hér greinir:

Samtökin '78 veita sveitarfélögunum eftirfarandi þjónustu gegn ákveðnu fjárframlagi sveitarfélaganna fyrir hvern þjónustubátt sem hér neðar tilgreinir:

1. Fræðsla til starfsfólks grunnskóla og frístundamiðstöðva

a) Fyrsta ár þjónustusamningsins veita Samtökin '78 öllu starfsfólki grunnskóla fræðslu um kynhneigð, kynvitund, kyntjáningu og kyneinkenni fólks. Markmið fræðslunnar er að starfsfólk skóla hafi þekkingu á hinsegin málefnum og geti verið virkir fræðarar á umræddum sviðum á vettvangi jafnréttis og mannréttinda í skólastarfi grunnskólanna. Fræðslan dreifist á nokkra daga, en ekki skulu fleiri en 25 starfsmenn í hverjum hóp sitja fræðsluna í hvert skipti. Samtals er samið um átta fræðsluerindi fyrir allt starfsfólk á árinu 2024, hver fræðsla er tvær klukkustundir. Fyrir það erindi greiða sveitarfélögin 396.800 kr.

b) Seinni tvö árin veita Samtökin '78 nýju starfsfólki grunnskólanna fræðslu um kynhneigð, kynvitund, kyntjáningu og kyneinkenni fólks. Sú fræðsla fer fram á einum degi á ári, árin 2025-2026 (síðari tvö á samningstímanum). Samtals tvö fræðsluerindi á þeim tíma, hver fræðsla er tvær klukkustundir. Samtals greiða sveitarfélögin 99.600 kr. fyrir þau fræðsluerindi, eða 49.800 kr. á ári.

2. Fræðsla til nemenda grunnskóla

Samtökin '78 fræða ungmenni í sveitarfélögunum, þrjá árganga á ári (3. bekk, 6. bekk og 9. bekk). Fræðslan fer fram á skólatíma og er breytileg milli árganga, en gert er ráð fyrir 40 mínútum að hámarki í 3. bekk, 60 mínútur í 6. bekk og 80 mínútur í 9. bekk. Fræðslan er reglubundin einu sinni á ári. Gert er ráð fyrir sex bekkjardeildum. Fyrir þessi fræðsluerindi greiða sveitarfélögin 149.400 kr. á ári.

3. Fræðsla til stjórnenda

Samtökin '78 fræða stjórnendur sem vinna hjá sveitarfélögunum. Fræðslan fer fram einu sinni á ári og er tvær klukkustundir. Samtals greiða sveitarfélögin 49.800 kr. á ári.

4. Ráðgjöf Samtakanna '78

Allir íbúar sveitarfélaganna, fá aðgang að ráðgjöf Samtakanna '78 án endurgjalds. Sveitarfélögin greiða Samtökunum '78 42.995 kr. fyrir umrædda þjónustu á ári. Samtökin '78 hafa jafnframt möguleika að kynna umrædda þjónustu fyrir nemendum grunnskólanna í nemendafræðslum.



5. Fræðsla til starfsfólk leikskóla

a) Fyrsta ár þjónustusamningsins veita Samtökin '78 öllu starfsfólki leikskóla fræðslu um kynhneigð, kynvitund, kyntjáningu og kyneinkenni fólks. Markmið fræðslunnar er að starfsfólk leikskólanna hafi þekkingu á hinsegin málefnum og geti verið virkir fræðarar á umræddum sviðum á vettvangi jafnréttis og mannréttinda í skólastarfi leikskólanna. Fræðsluerindið dreifist á nokkra daga, en ekki skulu fleiri en 25 starfsmenn í hverjum hóp sitja fræðsluna í hvert skipti. Samtals er samið um fimm fræðsluerindi fyrir allt starfsfólk í leikskólum á árinu 2024, hver fræðsla er tvær klukkustundir. Fyrir það erindi greiða sveitarfélögin 249.000 kr.

b) Seinni tvö árin veita Samtökin '78 nýju starfsfólki leikskólanna fræðslu um kynhneigð, kynvitund, kyntjáningu og kyneinkenni fólks. Sú fræðsla fer fram á einum degi á ári, árin 2025-2026 (síðari tvö á samningstímanum). Samtals tvö fræðsluerindi á þeim tíma, hver fræðsla er tvær klukkustundir. Samtals greiða sveitarfélögin 99.600 kr. fyrir þau fræðsluerindi, eða 49.800 á ári, síðari tvö árin.

Annað

Í upphafi annar/árs skal liggja fyrir tillaga að skipulagi frá grunnskólum á fastri þjónustu Samtakanna '78 skólaárið fyrir hvert skólaár. Verði aðstæður hjá Samtökunum '78 þess efnis að ekki næst að standa við alla þjónustupætti verður samningsupphæð næsta árs á eftir minnkuð sem því nemur.

Samtökin '78 senda í upphafi hvers árs reikning fyrir þjónustu skv. liðum 1-5 hér ofan.

Miðað er við það að samningurinn sé metinn einu sinni á ári og uppfærður út frá nýjum forsendum eftir því við á, en ávallt skal haldið í þriggja ára tímabil.

Ferðakostnaður er greiddur af verkkaupa, en leitast skal allra leiða til að hafa hann sem lægstan t.d. með því að Samtökin '78 fræði yfir styttri tíma og taki sem flestar fræðslur í hverri ferð.

Samningurinn er gerður í tveimur samhljóða eintökum og hefur hvor aðili um sig eitt eintak af honum.

Ef verulegar vanefndir verða á samningi þessum er hvorum aðila heimilt að rifta honum með þriggja mánaða fyrirvara. Til verulegra vanefnda teljast meðal annarra brot á ákvæðum samnings þessa.

Samningur þessi er gerður með fyrirvara um venjuleg Force Maejure tilvik sem aðilar fá ekki við ráðið og áhrif geta haft á framkvæmd samnings þessa. Rísi mál vegna samnings þessa skal það rekið fyrir Héraðsdómi Reykjavíkur.

Samningurinn er gerður í tveimur samhljóða eintökum og hefur hvor aðili um sig eitt eintak af honum.

Skipting greiðslna eftir ári

2024	887.995 kr.
2025	341.795 kr.
2026	341.795 kr.

Vottun og eftirfylgni

Þessi fræðslusamningur ber með sér afar umfangsmikla fræðslu til starfsfólks, barna og ungmenna í sveitarfélögunum. Samtökin '78 munu bjóða upp á eftirfylgni ásamt því að vinna að vottun fyrir sveitarfélagið.

Undirritanir

 Rangárbing ytra
Sveitarstjórn

Jón Valgeirsson, sveitarstjóri Rangárbings ytra


Sigríður Karólína Viðarsdóttir, sveitarstjórnarfulltrúi Rangárbings eystra


Daniel E. Arnarsson, framkvæmdastjóri Samtakanna '78